

491

QVÆSTIO MEDICA

QVOD LIBETARIIS CONCERTATIONIBVS MANE DISCVTIENDA

IN SCHOLIS MEDICORVM, DIE IOVIS XVIII. DECEMBRIS, MAGISTRO NICOLAO
IABOT, DOCTORE MEDICO MODERATORE.

An cum semine morbi?

INXIT quidem quouis Prometheo solentior natura ex eodem luto hominum corpora; sed non eodem modo: aliis matrem se, aliis nouercam exhibet. communem omnium materiam ex quatuor elementis petit, totidémque humoribus, sed præcipuè ex femine & sanguine menstruo. Primum calidum ignis: Primum humidum aer: Primum frigidum aqua: Primum siccum terra, in mixtionem ita conflantur, vt quodammodo insint, & non insint. Ambæ in singulis qualitates summum intensiōis gradum non obtinent: In mixto tali discordiâ concentum efficiunt, vt varium indè exurgat variarum partium temperamentum, quod ad pondus dari nihil repugnat. Frigidi metropolis cerebrum est, cor caloris. Hepar, pulmo, testes temperiem habent calidam & humidam, sed aliter atque aliter. Ex partium temperamento fit vnum totius, quod est qualitas diuersa à qualitatibus elementorum. Benè cum illis agitur, quibus à prima conformatione contigit esse temperatis.

MEDIVM inter elementa & corporis partes locum humores tenent, qui ex chylo, quo ventriculus non alitur, in hepate facultatis altricis domicilio, spiritus naturalis fonte, vi parenchymatis propriâ geniti, venis ex hac radice pullulantibus sursum deorsumque delati membra irrigant omnia. Est sua felli vesicula, est succo melancholico lien peculiare conceptaculum; sanguis tamen, qui venis continetur, non idè syncerus est, aut soli pituitæ permixtus, sed & aliis duobus indistinctè confunditur; corporis esse partes nemo dixerit; at corpus certè nutriunt, constituuntque sanum symmetria & eucrasia, ægrum plethora & cacochymia: Quin & animi mores formant effinguntque. Sanguis temperatus verno tempore abundans hilares, benignos, ingeniosos; pituita frigida humida hyeme copiosior segnes & somnolentos: bilis calida sicca ætate effervescens iracundos & præcipientes: melancholia frigida sicca Autumni soboles, prudentes facit & propositi tenaces. Natura per se edocta artifex nihil nisi perfectum molitur: interdum tamen in ipso vitæ limine impingit, ex quo errore fit *dos di. Septus de Juetis nōcā.*

VT ex quouis ligno non fit Mercurius, sic neque sanum corpus ex quouis femine. Illud, quodcūque tandem sit, ab utrōque parente effectiuè contribuitur, & in genitale aruum affunditur, non deciduum ab omnibus partibus, quamuis impressum gerat singularum characterem, vnde nati parentibus eduntur similes: sed à testibus, qui iure in principum partium album referuntur. Hic non alibi, roris prolifici ex laudabili sanguine, (vnde nimio coitu, aut gonorrhœa macies,) officina est & promtuarium; eò, vt fecundetur, partes regæ hepar, cor, cerebrum, venis, arteriis, nervis, naturalem, vitalem, animale spiritum mitunt, singulos à se inuicem specie distinctos, sed, eò postquam coaluerunt vnicum efficiunt, quem genitorem placet appellare. Eiusmodi spiritum turgidum semen non viuunt quidem, sed vim formatricem habet corporis organici opificem, cuius beneficio parentes liberis quasi cursores vitæ lampada tradunt. Verum vt à sanis sanum, sic à morbois morbidum prodiit.

VAS quoque ad fetus formationem agit partes vterus naturæ campus feracissimus, qui mandatum sibi semen continet, conseruat, fouet, vim eius sopitam promouet, delitescens suscitatur. Frigidior, densior, humidior, aut siccior & ætuosus non concipit: quæ vero mulieres ex vtraque oppositione moderatam nocte sunt locorum temperationem, ex fecunditate valent; non item præpingues, quibus os vteri omento concluditur; grauidis ita conuiuet, vt fieri possit superfœtatio. Neque verò ad mirum generationis opus semina huc confluere sufficit, sed & menstruum sanguinem oportet accedere, ex quibus duobus principiis homo diuinum animal procreatur. Eiusmodi sanguis quantitate solâ noxius in sequentiore sexu viris frigidior gignitur: si immodicè fluit, hinc morbi eueniunt: si subsistit & supprimitur, hinc etiam morbi ab vtero. In hoc ergo castulo vitæ nostræ stamina Paræ ducere incipiunt, niuea & felicia, si semina, si menstruum, si vterus sint qualia esse oportet: sin contrà, non nasci bonum esset, aut natum citò morte perire.

MMENSA morborum phalange obsidemur, domi forisque sæuientes furæ bellum indicunt, neque solum à rebus externis impendent morborum causa, sed & antequam lucem aspexerimus non magis patrimonij hæredes, quam morborum sumus. Variolæ & morbilli ex sanguinis materni purgamentis erumpunt; si alteruter parens lue indicâ inficiatur, sæpe delicta parentum immeriti luunt liberi, & eadem labe inquinantur. Lithiasis, Epilepsia, morbi pueris familiares, arthritis Bacchi & Veneris item proles, tabes, cui Autumnus grauis, nephritis, in senibus insanabilis; Denique reliqua id genus hereditariorum morborum cohors simul cum moribus in natos transeunt.

Ergo cum semine morbi.



Asserebat CLAVDIVS DE POIS, Parisinus, anno R. S. M. DC. XIV.

DOMINI DOCTORES DISPVTAVRI.

*M. Gabriel Biart.
M. Ioannes Desgorris.
M. Renatus Chartier, Med. Reg.*

*M. Franciscus Placet.
M. Andreas du Chemin.
M. Georgius Arbaud.*

*M. Iacobus Cousinot.
M. Petrus Seguin, Med. & Prof. Reg.
M. Ioannes de Renou.*